

KA  
NUPEPA KUOKOA

ko  
Kilohani  
Pookela no ka  
Lahu  
Hawaii

BUKE.

HONOLULU, IUNE 14, 1862.

HELU 29.

“He inoa no Manoana.” Ka Nupepa Kuokoa. June 14, 1862.

Bishop Museum Library; No reproduction without permission

## He inoa no Manoana.

Manoanao no he inoa la,  
Kahualukini, no he makua la,  
E hoi ka nani i ke Kaa la,  
I ka palena aina o Papa la,  
I ka ua Lililehua la,  
Lai ai, lai ai ka wahine la,  
Ka maka o ka lehua i ka pali la,  
Ke kikoia ae la e ka manu la,  
Iiwipolena o ka uka la,  
I pulu i ka hau o ka nahele la,  
Iluna wale o Kahuli la,  
Ua ilihua au ia ia la la,  
Ka hako'i ae a loko la,  
Oloko hana nui keia la,  
Haina ka inoa i ka Lai la,  
Manoanao no he inoa la.

LAHELA MAELE.

Manoanao no he inoa la,  
Puaena no he makua la,  
E hoi ka nani i Apua la,  
I ke alo haliu i ke kai la,  
No Honuakaha ke aloha la,  
Lai ai ke kula o Kahua la,  
Huli aku ke alo i Manoa la,  
I mehana i ka ua Kuahine la,  
I ka wai wale o Kahoiwai la,  
Ka hau anu ko Lihue la,  
Pilia mai e Kaala la,  
E laa wale no o iala la,  
O Makalei no oe la,  
Ka laau ona ia e ka i-a la,  
Haina ka inoa i lohe la,  
Manoanao no he inoa la.

MELE LIHAU.

“He inoa no Manoana.”

Ka Nupepa Kuokoa. June 14, 1862.

Bishop Museum Library;

No reproduction without permission

Manoanoa no he inoa la,  
Leialoha no he makua la,  
E hoi ka nani i Lihau la,  
I ka o ua paa mai i ka uka la,  
Halii mai la i ke pili la,  
Pili aloha me pua Olva la,  
Akahi no a lai ke kaona la,  
Ka malu o ka niu o Mala la,  
Noho ana ko kino i Lahaina la,  
Ka malu o ka Ulu o Lele la,  
Hele ana no ce i ka lai la,  
Ka huikau a na Poki la,  
I ka lai wale o Beretane, la,  
I ke kai wale o Keawaiki la,  
Haina ka inoa i ka Lai la,  
Manoanoa no he inoa la.

KAUPAI.

Manoanoa no he inoa la,  
Kapuaokaniu no he makua la,  
E hoi ka nani i Luaehu la,  
I ka malu haimuku o Leo la,  
Kau mai na maka i Hoolili la,  
I ka welo a ka Hae o Maleka la,  
Huli aku ke alo i Hauola la,  
E ola kuu kama ilaila la,  
Ka hele a ke ao naulu la,  
Lai ai ka nahele i na manu la,  
Ke hehi ae la i na pali la,  
Pupukanioe o ka uka la,  
Pili i ka lau Akolea la,  
Ka malu o ka Opuu i ka lewa la,  
Haina ka inoa i ka Lai la,  
Manoanoa no he inoa la.

P. KAIMIHAU.

“He inoa no Manoana.”

Ka Nupepa Kuokoa. June 14, 1862.

Bishop Museum Library;

No reproduction without permission

Manoanoa no he inoa la,  
Puakomela no he makua la,  
E hoi ka nani i Paupau la,  
Nana i ka hono o na moku la,  
No Lahainaluna ke aloha la,  
I ka ulu wehiwehi hiehie la,  
I ka luna wale o Kaahalike la,  
Ua like kuu kino me oe la,  
O oe kuu lei mae ole la,  
A ka manao e hana nei la,  
Ka ua nahua i ke pili la,  
Ke hehi mai la i ka nahele la,  
I ka uka wale o Waikiki la,  
I ka malu kukui o Loinui la,  
Haina ka inoa i ka Lai la,  
Manoanoa no he inoa la.

M. KEKAUMEHAMEHA.

Manoanoa no he inoa la,  
Kalaiolele no he makua la,  
E hoi ka nani i Uluwehiwehi la,  
I ka malu hale o Lanikeha la,  
Pehea la ka uka i Haena la?  
Ke koiawe a ka ua i ka nahele la,  
Halii mai la i ka lai la,  
I wehi hoi no ka wahine la,  
Me kuu lei rose i ka uka la,  
No uka ka maile awili la,  
Me kuu pua aloha i Moelana la,

“He inoa no Manoana.”

Ka Nupepa Kuokoa. June 14, 1862.

Bishop Museum Library;

No reproduction without permission

Ua lana kuu kino e naue la,  
I ka la welawela o Lahaina la,  
I ka huikau o ke kaona la,  
Haina ka inoa i ka Lai la,  
Manoanoa no he inoa la.

S. D. KAHOHA.

Manoanoa no he inoa la,  
Pilahone no he makua la,  
E hoi ka nani i Mokuula la,  
I ka uka wale o Wainee la,  
Kauaula mai ko uka la,  
Kaalani mai ko kai la,  
Huli aku ke alo i Lanai la,  
Ma ke kowa iho o Molokai la,  
Ka malu o ka puu o Haupu la,  
Kela puu onioni oi kelakela la,  
I ka lehua o Kaana ke aloha la,  
I ka luna wale o Kalae la,  
O Makakeua ka makani la,  
I ke kai wale o Mikimiki la,  
Haina ka inoa i ka Lai la,  
Manoanoa no he inoa la.

P. H. KEKUAIIWA.

*Waiokama, Lahaina, Mui, Mei 30, 1862.*

“He inoa no Manoana.”

Ka Nupepa Kuokoa. June 14, 1862.

Bishop Museum Library;

No reproduction without permission